

Izveštaj o radu Uprave policije MUP-a Kantona Sarajevo za mjesec decembar 2020. godine

KRIMINALITET

STATISTIČKI POKAZATELJI

U mjesecu decembru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 447 događaja sa obilježjem krivičnog djela (25 ili 5,9% više u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 164 ili 36,7% je evidentirano po poznatom izvršiocu, a 283 ili 63,3% po nepoznatom izvršiocu.

Od ukupno 283 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 90 ili 31,8% (što je za 1,8% više u odnosu na uporedni mjesec) od čega je 55 evidentirano u mjesecu decembru, a 35 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 358 obavijesti (122 više) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU DECEMBRU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
DECEMBAR 2020. GODINE	447	164	283	90	35	239	5	155	112
DECEMBAR 2019. GODINE	422	189	233	70	34	227	3	132	100
<i>uporedba</i>	25	-25	50	20	1	12	2	23	12
	5,9%	-13,2%	21,5%	28,6%	2,9%	5,3%	66,7%	17,4%	12%

U toku mjeseca decembra prijavljeno je 239 lica (12 više), 155 povratnika (23 više) ili 64,8% od ukupnog broja prijavljenih lica), pet maloljetnika (dva više), a 112 lica je lišeno slobode (12 više).

Za događaje sa obilježjem krivičnog djela, koji su evidentirani u mjesecu decembru 2020. godine, prema izjavama oštećenih lica, nastupila je materijalna šteta u ukupnom iznosu od 557.784,97 KM i 400 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU DECEMBRU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a i KZ BiH-a**

KZ FBiH-a i KZ BiH-a	DECEMBAR 2020.	DECEM BAR 2019.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	17	28	-11	-39,3%	17	0	2	---
Protiv slobode i prava čovjeka i građanina	25	26	-1	-3,8%	21	4	3	75%
Protiv spolne slobode i morala	2	2	0	isto	2	0	0	---
Protiv braka, porodice i mladeži	23	25	-2	-8%	23	0	0	---
Protiv zdravlja ljudi	35	51	-16	-31,4%	35	0	0	---
Protiv imovine	303	240	63	26,3%	39	264	81	30,7%
Protiv opće sigurnosti ljudi i imovine	16	4	12	300%	7	9	1	11,1%
Protiv sigurnosti javnog prometa	6	15	-9	-60%	6	0	0	---
Protiv pravosuđa	2	0	2	---	0	2	2	100%
Protiv javnog reda i pravnog prometa	15	22	-7	-31,8%	11	4	1	25%
Protiv podmićivanja i krivična djela protiv.	0	4	-4	---	0	0	0	---
Protiv privrede i jedinstva tržišta te KD iz oblasti carina (KZBiH)	1	0	1	---	1	0	0	---
ZONDINOIM-a (Sl.novine KS br.01/18)	2	5	-3	-60%	2	0	0	---
UKUPNO	447	422	25	5,9%	164	283	90	31,8%

U mjesecu decembru 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 25 ili 5,9%. Najznačajnije povećanje zabilježeno je u oblastima protiv imovine (za 63 događaja) i opće sigurnosti ljudi i imovine (za 12 događaja), dok je najznačajnije smanjenje evidentirano u oblasti protiv zdravlja ljudi (za 16) i života i tijela (za 11 događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom decembra 2020. godine evidentirano je 17 događaja sa obilježjem krivičnog djela iz oblasti protiv života i tijela (11 manje u odnosu na decembar 2019 godine) i svi su po poznatom izvršiocu. Evidentirani su slijedeći događaji:

- ubistvo (član 166. KZ FBiH) - dva (nije bilo ovih događaja),
- ubistvo u pokušaju (član 166. KZ FBiH u vezi člana 28.) - jedno (isto),
- teška tjelesna ozljeda (član 172. KZ FBiH) – četiri (sedam manje),
- lahka tjelesna ozljeda (član 173. KZ FBiH) – deset (šest manje).

Nadležnom tužilaštvu podneseni su službeni izvještaji protiv 18 lica, od koji je pet povratnika ili 27,8%, a šest je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 25 događaja sa obilježjem krivičnog djela (jedan manje) i to: ugrožavanje sigurnosti – 23, protupravno lišenje slobode i neovlašćeno optičko snimanje - po jedan, za čije su izvršenje evidentirana 23 lica, od kojih je 13 povratnika (ili 52%), a tri su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu decembru evidentirana su 23 događaja sa obilježjem krivičnog djela (dva manje) i to - nasilje u porodici, za čije izvršenje je prijavljeno 25 lica, od kojih je 11 (ili 44%) povratnika, a 18 lica je lišeno slobode.

PROTIV ZDRAVLJA LJUDI

Evidentirano je 35 događaja sa obilježjem krivičnog djela iz oblasti protiv zdravlja ljudi (16 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – sedam,
- posjedovanje i omogućavanje uživanja opojnih droga (čl. 239. KZ FBiH) – 28.

Nadležnom tužilaštvu podneseni su službeni izvještaji protiv 43 lica, među kojima su 32 povratnika (ili 74,4%), a 31 lice je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 16 lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 27 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU DECEMBRU 2020/19. GODINE

vrsta opojne droge	decembar 2020. godine	decembar 2019. godine
Marihuana (paketići)	69	7
Marihuana (u gramima)	1.229,606	4.312
Amfetamin (u gramima)	1.150,36	3.525
Amfetamin (paketići)	3	1
Ecstasy (tablete)	---	23
Speed (paketići)	14	---
Heroin (paketići)	1	---
Pribor sa ostacima droge	5	2

PROTIV IMOVINE

U ovom mjesecu, evidentirana su 303 događaja sa obilježjem krivičnog djela protiv imovine (39 po poznatom i 264 po nepoznatom izvršiocu) što je za 63 ili 26,3% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 116 (tri manje),
- krađa (član 286. KZ FBiH) – 87 (22 više),
- razbojništvo (član 289. KZ FBiH) – 42 (20 više),
- oštećenje tuđe stvari (član 293. KZ FBiH) – 28 (14 više),
- utaja (član 290. KZ FBiH) - četiri (tri manje), itd.

Nadležnom tužilaštvu podneseni su službeni izvještaji protiv 93 lica, od kojih je 70 povratnika (ili 75,3%), a 36 je lišeno slobode.

Od ukupno 264 događaja evidentiranog po nepoznatom izvršiocu iz oblasti protiv imovine naknadno je rasvijetljeno 81 ili 30,7% što je za 1,2% više u odnosu na decembar 2019. godine.

Tokom mjeseca decembra ove godine, prema objektima izvršenja teških krađa, 59 je izvršeno u stambene objekte (pet više u odnosu na uporedni mjesec), 28 u poslovne prostorije (tri više), 25 u motorna vozila (otuđenja motornih vozila i "provale" u ista - sedam više), itd.

Takođe, evidentirano je sedam otuđenja motornih vozila od čega su tri ili 42,9% pronađena i vraćena vlasnicima (Uprava policije MUP-a KS-a – dva i vlasnici su pronašli – jedno vozilo).

Broj otuđenih motornih vozila, u odnosu na uporedni mjesec, smanjen je za četiri ili 36,4%%.

Evidentirano je 87 događaja sa obilježjem krivičnog djela krađe (22 više) i to u poslovnim prostorijama – 26 put, na ulici - 24, u stambenim objektima - 15, u vozilima i na stajalištima GRAS-a - 14, u ugostiteljskim objektima - tri, itd. odakle su otuđivani novčanici, mobiteli, prehrambeni proizvodi, hidrantska crijeva, itd.

Evidentirano je 11 događaja sa obilježjem krivičnog djela teških krađa na naročito opasan ili naročito drzak način (isti broj), u kojima su izvršiocu, upotrebom fizičke snage (otimanjem i trganjem) - devet puta i verbalnom prijetnjom u dva slučaja, otimali mobitele, novac i tašne, a evidentirani su: devet puta na ulici, u tramvaju i u stambenom objektu – po jedan. Nadležnom tužilaštvu podneseni su službeni izvještaji protiv osam lica, a četiri su lišena slobode.

U mjesecu decembru ove godine evidentirana su 42 događaja sa obilježjem krivičnog djela razbojništva (20 više). Nadležnom tužilaštvu podneseni su izvještaji protiv 19 lica, od kojih je 15 povratnika, a 11 je lišeno slobode.

Od ukupno 39 događaja razbojništva evidentiranih po nepoznatom izvršiocu, naknadno je rasvijetljeno 14 (od čega je pet iz ranijeg perioda) ili 35,9% (što je za 16,5% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 17 puta, prijetnjom upotrebe noža ili drugog oštrog predmeta – devet i upotrebom fizičke snage – 16 puta, a počinjena su u poslovnim prostorijama – 18 puta, na ulici – 11, u sportskim kladionicama i u apotekama – po pet i u stambenim objektima tri. Otuđivan je novac, mobiteli, nakit, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 16 događaja (12 više) i to: - izazivanje opće opasnosti – 15 i nesavjesno čuvanje pasa i drugih opasnih životinja - jedan, a nadležnom tužilaštvu podneseni službeni izvještaji protiv devet lica, od kojih je sedam povratnika, a pet je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – 13 puta, u kući i garaži – po jedan, pri čemu je u četiri slučaja upotrijebljeno vatreno oružje, devet puta je otvorenim plamenom izazvan požar i u dva slučaja je aktivirana nepoznata eksplozivna naprava. Posljedice izvršenja navedenih događaja su ranjavanje tri lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 15 događaja sa obilježjem krivičnog djela (sedam manje) i to: nasilničko ponašanje - šest, napad na službenu osobu u vršenju poslova sigurnosti – tri, krivotvorenje isprave – dva, sprječavanje službene osobe u vršenju službene radnje, samovlašće, nedozvoljeno držanje oružja ili eksplozivnih materija i povreda mira pokojnika - po jedan događaj.

Nadležnom tužilaštvu podneseni su službeni izvještaji protiv devet lica od kojih je šest povratnika (ili 66,7%), a šest je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu decembru 2020. godine evidentirano je šest događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2019. godine povećan je broj maloljetnih lica za dva ili 66,7%, dok je broj događaja sa obilježjem krivičnog djela ostao isti. Prijavljeni maloljetnici su u dobi od 14 do 16 godina – tri, od 16 do 18 godina – dva. Od ukupnog broja maloljetnika tri su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA DECEMBAR 2020/2019. GODINU

MJESEC	od 14 do 16 god.	od 16 do 18 god.	ukupno
decembar 2020. godina	3	2	5
decembar 2019. godina	1	2	3

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU DECEMBRU 2020/2019. GODINE

događaji sa obilježjem krivičnog djela (KZ FBiH)	decembar 2020	decembar 2019.
Teška tjelesna ozljeda	---	2
Lahka tjelesna ozljeda	1	---
Spolni odnošaj sa djetetom	1	---
Nasilje u porodici	1	---
Teška krađa	1	1
Teška krađa na naročito drzak i opasan način	1	3
Razbojništvo	1	---
ukupno	6	6

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca decembra 2020. godine na području Kantona Sarajevo evidentirana su četiri događaja aktiviranja minsko-eksplozivnih sredstava (dva u decembru 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U toku decembra 2020. godine evidentiran je jedan slučaj anonimne dojave o postavljanju eksplozivne naprave (devet manje u odnosu na decembar 2019. godine).

POŽARI

Tokom mjeseca decembra 2020. godine, na području Kantona Sarajevo registrovano je 27 požara (11 više u odnosu na isti mjesec prethodne godine), u kojima je jedno lice lakše povrijeđeno.

Prema statističkim pokazateljima, 11 požara je izazvano namjerno, dva zbog tehničkih nedostataka, jedan nehatom, dok uzroci 13 požara spadaju u kategoriju ostalih.

Požari su registrovani u:

- Stambenim objektima - šest puta,
- Saobraćajnom sredstvu - šest,
- Pomoćnom objektu – tri,
- Poslovnom prostoru - dva,
- Ostalim objektima - 10 puta.

Zbog izazivanja požara nadležnom tužilaštvu podneseno je 10 službenih izvještaja: devet iz člana 323 KZ FBiH (izazivanje opće opasnosti) i jedan iz člana 301. KZ FBiH (paljevina).

SAMOUBISTVA

U mjesecu decembru 2020. godine na području Kantona Sarajevo registrovana su četiri samoubistva (tri više u odnosu na decembar prošle godine) koja su izvršena: vješanjem - tri puta i skokom sa visine - jednom.

Svi izvršioци su muškarci starosne dobi: 25, 27, 68 i 73 godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pištolja, dvije puške, jedna ručna bomba, četiri noža, 4.434 komada petardi i 192 komada municije raznog kalibra.

Tokom mjeseca decembra ove godine fizičkim licima izdato je 116 odobrenja za nabavku vatrenog oružja i 169 oružnih listova.

JAVNI RED I MIR

U toku mjeseca decembra 2020. godine u oblasti protiv javnog reda i mira evidentirana su 2.982 prekršaja (2.704 više u odnosu na isti mjesec 2019. godine), a za izvršenje navedenih prekršaja prijavljeno je 3.016 lica (2.731 više), od čega je 56 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 2.906 naloga i podneseno je 76 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 2.949 prekršaja (ili 98,9%), a na prekršaje koji su utvrđeni Odlukom općinskih vijeća o javnom redu i miru 33 (ili 1,1%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (1.090), 19 i 25 godina (1.070), preko 36 godina (843) i do 18 godina – 13 učinilaca.

Prilikom narušavanja javnog reda i mira u mjesecu decembru 2020. godine, nije bilo teže povrijeđenih lica (isto kao u decembru 2019. godine), dok je pet lica (tri više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC DECEMBAR 2020/2019.GODINA

STRUKTURA PREKRŠAJA	decembar 2020.	decembar 2019.	+ - %
UKUPNO prekršajnih naloga i zahtjeva za ppp	2.982	278	+2.704 ili 972,7%
UKUPNO lica	3.016	285	+2.731 ili 958,2%
Prekršaji prema Zakonu o prekršajima protiv JRiM:	2.949	260	+2.689 ili 1034,2%
- <i>Tuče</i>	29	18	+11 ili 61,1%
- <i>Naročito drsko ponašanje</i>	36	33	+3 ili 9,1%
- <i>Odbijanje naređenja i omalovažavanje pol. služb.</i>	278	36	+242 ili 672,2%
- <i>Prosjačenje</i>	46	111	-65 ili 58,5%
- <i>Svađa, vika, nepristojno ponašanje</i>	14	19	-5 ili 26,3%
- <i>Paljenje petardi</i>	10	4	+6 ili 150%
- <i>Neovlaštena upotreba oružja</i>	---	---	---
- <i>Ostali prekršaji</i>	2536	39	+2.497 ili 6402,6%
Prekršaji prema Odluci OV o JRiM	33	18	+15 ili 83,3%

Iz tabelarnog pregleda vidljivo je, da je tokom mjeseca decembra 2020. godine, u odnosu na decembar prethodne godine prema strukturi povećan sljedeći broj prekršaja:

- ostali prekršaji za 2.497
- odbijanje naređenja i omalovažavanje policijskih službenika za 242
- prekršaji koji su regulisani Odlukom općinskih vijeća za 15
- tuče za 11
- paljenje petardi za šest
- naročito drskog ponašanja za tri

dok je smanjen broj prekršaja:

- prosjačenje za 65
- svađa, vika, nepristojno ponašanje za pet.

Prema mjestu izvršenja, najveći broj prekršaja evidentiran je na ulici i na drugim otvorenim prostorima - 2.575, a znatno manje u trgovinama i zanatskim radnjama - 369, ugostiteljskim objektima – osam i na ostalim mjestima - 30 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
DECEMBAR 2020/2019. GODINE

MJESTO IZVRŠENJA	DECEMBAR 2020.	DECEMBAR 2019.	+ - %
Ulica i drugi otvoreni prostor	2.575	251	+2.324 ili 925,9%
Ugostiteljski objekti	8	9	-1 ili 11,1%
Sportski stadioni i dvorane	---	---	---
Škole (školska dvorišta)	---	---	---
Vozila javnog saobraćaja	---	---	---
Trgovinske radnje	369	---	+369
Ostala mjesta	30	18	+12 ili 66,7%
UKUPNO	2.982	278	+2.704 ili 972,7%

U odnosu na isti mjesec 2019. godine, smanjen je broj prekršaja evidentiranih u ugostiteljskim objektima za jedan, dok je broj prekršaja na ulicama i drugim otvorenim prostorima povećan za 2.324, u trgovinama i zanatskim radnjama za 369 i na ostalim mjestima za 12.

Na području Kantona Sarajevo u mjesecu decembru 2020. godine održano je 68 javnih skupova (175 ili 72% manje u odnosu na mjesec decembar 2019. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 14 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu decembru 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i sa nastradalim licima, dok je broj povrijeđenih lica povećan.

Registровано je 711 saobraćajnih nezgoda (137 ili 16,1 % manje u odnosu na mjesec decembar prethodne godine), od čega je 650 sa materijalnom štetom (133 ili 17 % manje) i 61. sa nastradalim licima (četiri ili 6,1 % manje).

Tokom mjeseca decembra 2020. godine u saobraćajnim nezgodama na području Kantona Sarajevo 82 lica su povrijeđena (šest ili 7,9 % više), od čega 11 i teže i 71. lakše. U mjesecu decembru nije bilo poginulih lica (u istom mjesecu prethodne godine jedno lice je poginulo)

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC DECEMBAR 2020./19. GODINE

	decembar 2020.	decembar 2019.	+,-,%
UKUPNO SAOBRAĆAJNIH NEZGODA	711	848	- 137 ili 16,1 %
Saobraćajne nezgode sa nastradalim licima	61	65	- 4 ili 6,1 %
Saobraćajne nezgode sa materijalnom štetom	650	783	- 133 ili 17 %
POGINULO LICA	0	1	- 1
- vozači	0	0	-----
-putnici	0	0	-----
- pješaci	0	1	- 1
POVRIJEĐENO LICA	82	76	+ 6 ili 7,9 %
- vozači	53	29	+ 24 ili 82,7 %
- putnici	12	24	- 12 ili 50 %
- pješaci	17	23	- 6 ili 26,1 %

U naselju je registrovano 648 saobraćajnih nezgoda (59 sa povrijeđenim licima i 589 sa materijalnom štetom), van naselja 63 nezgode (dvije sa povrijeđenim licima i 61. sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		10	49	589	648		11	69
van naselja			2	61	63			2
UKUPNO		10	51	650	711		11	71

Prema kategoriji puta, najveći broj saobraćajnih nezgoda registrovan je:

- na ulicama u naselju - 411 nezgoda u kojima su 42 lica povrijeđena (10 teže i 32 lakše),

- na magistralnim putevima - 103 nezgode (22 lica povrijeđena, jedno teže i 21. lakše),
- na regionalnim putevima - 66 (pet lica lakše povrijeđeno),
- na lokalnim putevima - 37 (dva lica lakše povrijeđena),
- na putevima koji se ubrajaju u kategoriju ostalih - 94 saobraćajne nezgode (11 lica lakše povrijeđeno).

POS LJEDICE SAOBRAĆAJNIH NEZGODA

U saobraćajnim nezgodama tokom mjeseca decembra 2020. godine, povrijeđena su 82 lica (šest ili 7,9 % više), od čega 11 teže (jedno lice ili 8,3 % manje) i 71. lakše (sedam ili 10,9 % više).

STEPEN POVREDA UČESNIKA U SAOBRAĆAJNIM NEZGODAMA

- Vozači :
53 vozača su povrijeđena: pet teže i 48 lakše
- Putnici:
12 putnika je lakše povrijeđeno
- Pješaci:
17 pješaka je povrijeđeno: šest teže i 11 lakše

Starosna struktura nastradalih lica u saobraćajnim nezgodama je slijedeća:

- od 6 do 17 godina - četiri lica,
- od 18 do 24 godine - 17,
- od 25 do 30 godina - devet,
- od 31 do 40 godina - 21,
- od 41 do 50 godina - 13,
- od 51 do 65 godina - 12,
- 66 i više godina - tri,
- nepoznata starosna dob - tri lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina - 18 lica,
- od 30 do 40 godina - 14,
- od 40 do 50 godina - 10,
- od 50 do 60 - sedam,
- od 60 i više godina - tri,
- nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 571 (58 lica povrijeđeno, pet teže i 53 lakše),
- neprilagođena brzina - 134 (19 lica povrijeđeno - pet teže i 14 lakše),
- uticaj alkohola - šest (pet lica povrijeđeno, jedno teže i četiri lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca decembra 2020. godine, policijski službenici Uprave policije MUP-a Kantona Sarajevo kontrolisali su:

- 15.349 vozila i vozača (3.734 mnje),

- 4.384 lica u vozilima (devet više),
- pregledali 255 vozila (21 više) i 11 lica u vozilima (177 manje).

Zbog tehničke neispravnosti iz saobraćaja je isključeno 31. vozilo (devet više), 106 vozača je zatečeno da upravljaju vozilom pod dejstvom alkohola (282 manje), 247 bez korištenja sigurnosnog pojasa (276 manje), 150 bez položenog vozačkog ispita (sedam manje), 50 pod izrečenom zaštitnom mjerom (19 manje), 291 vozač je zatečen da koristi mobitel tokom vožnje (52 manje) i 417 vozila je učestvovalo u saobraćaju bez važeće registracije (716 manje).

Zbog kršenja propisa iz oblasti sigurnosti saobraćaja uručena su 15.302 prekršajna naloga vozačima (4.911 ili 24,3 % manje u odnosu na mjesec decembar prošle godine) i podnesena 343 zahtjeva za pokretanje prekršajnog postupka (131 ili 61,8 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca decembra 2020. godine provodili aktivnosti u pogledu saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 6.717 prekršajnih naloga (1.424 manje), upozoreno 228 vozača (44 manje), a specijalnim vozilom "pauk" premještena su 84 vozila (357 manje).

Takođe, pješacima koji su kršili propise uručena su 144 prekršajna naloga (49 manje), a upozoren je 31 pješak (jedan više).

ZAKONITOST U RADU

Tokom mjeseca decembra 2020. godine, registrovano je sedam pojedinačnih napada (četiri više) na policijske službenike Uprave policije MUP-a KS. U napadima je učestvovalo sedam punoljetnih lica koja su lišena slobode.

Policijski službenici Uprave policije su u mjesecu decembru 2020. godine u osam slučajeva upotrijebili silu (šest više).

Četiri upotrebe sile su opravdane, dok je postupak pravdanja tri upotrebe sile u toku.

Tokom izvještajnog mjeseca, razmatrano je 28 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 15 predstavki (sedam manje) provede unutrašnja istraga, za sedam predstavki je odlučeno da su neosnovane, za pet da se izvrše provjere i prikupi dokumentacija, dok se za jednu predstavku Odbor proglasio nenadležnim.

Od ukupno 28 razmatranih predstavki, 17 je podneseno od strane građana, dok 11 predstavki predstavljaju saznanja iz službe.

Okončane su 32 unutrašnje istrage, od čega su 22 prekinute do okončanja postupka, u sedam slučajeva istrage su osnovane, jedna istraga je neosnovana, jedna je bila bez dovoljno dokaza, dok je jedna istraga zaključena ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Kroz edukativne radionice realizovane su slijedeće aktivnosti:

- Učestvovanje na treningu na temu „Rodna ravnopravnost u policijskim strukturama“ organizovanom od strane Udruženja „Mreža policijskih službenica“, Centra za sigurnosne studije (CSS) i Ženevskog centra za upravljanje sigurnosnim sektorom (DCAF), a u okviru projekta „Policija i poštivanje ljudskih prava u BiH“.
- U okviru provođenja projekta „Program socijalizacije s pravom (PSP), realizovane su online edukativne radionice Modul I, II, III, IV i V za učenike srednjih i osnovnih škola na području Kantona Sarajevo,
- Nastavljena je realizacija projekta „Jačanje tužilačkih kapaciteta u sistemu krivičnog pravosuđa BiH“, u organizaciji VSTV-a BiH, a u kojem Uprava policije MUP-a Kantona Sarajevo sudjeluje kroz edukativnu radionicu „Lopov bude uvijek otkriven“;
- Održane su edukativne radionice na temu: „Stop međuvršnjačkom nasilju i nasilje putem interneta“, „Cyber buling“, „Moj prijatelj policaj/ac/ka“, „Djeca u saobraćaju“, „Zloupotreba pirotehničkih sredstava“, za učenike osnovnih škola, itd.

Policajci u zajednici su u saradnji sa NVO „MFS- EMMAUS“ učestvovali u javnoj kampanji sa ciljem podizanja svijesti za prepoznavanje nasilja, zlostavljanja i zanemarivanja djece, prevenciji nasilja nad djecom i zaštiti djece od svih oblika fizičkog ili mentalnog nasilja.

Preduzimate su brojne aktivnosti, mjere i radnje, vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Kontinuirano je vršen obilazak ugostiteljskih objekata u cilju kontrolisanja ograničenja rada istih.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

6. MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 4.326 migranata.

U mjesecu decembru 2020. godine migranti su učestvovali u pet događaja sa obilježjem krivičnog djela i to:

- Posjedovanje i omogućavanje uživanja opojnih droga (čl.239. KZ FBiH) – četiri događaja,
- Razbojništvo (čl. 289. KZ FBiH) – jedan događaj.

Tokom mjeseca decembra 2020. godine, službenici policije proveli su ukupno 14 akcija, kontrolisali su 463 migranata, od čega 78 nije posjedovalo registracijski obrazac, pet je predato službi za poslove sa strancima radi registracije i 374 migranata su smještene u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC NOVEMBAR 2020. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	4.326
UKUPAN BROJ KONTROLISANIH MIGRANATA	463
BROJ MIGRANATA LIŠENIH SLOBODE	10
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	12
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	14
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	379

